

Årsmelding  
for  
Suldal Idrettslags årsmøte  
2020



*Årsmeldinga skal gi eit bilet av aktiviteten i idrettslaget, styret sitt arbeid og undergruppene sin aktivitet. Saman med rekneskapen skal årsmeldinga gi ein god oversikt over aktivitet og økonomisk status i klubben.*

# Sakliste og saksdokument for årsmøte i Suldal Idrettslag

## Sakliste:

- |         |  |
|---------|--|
| Sak 1:  | Godkjenning av dei stemmeberettiga   |
| Sak 2:  | Godkjenning av innkalling  |
| Sak 3:  | Godkjenning av sakliste  |
| Sak 4:  | Godkjenning forretningsorden/møteregrlar                                     |
| Sak 5:  | Val av dirigent  |
| Sak 6:  | Val av referent  |
| Sak 7:  | Val av to medlemmer til å underskriva protokollen                            |
| Sak 8:  | Godkjenning av idrettslaget si årsmelding og undergruppene sine årsmeldingar |
| Sak 9:  | Godkjenning av idrettslaget sin rekneskap i revidert stand                   |
| Sak 10: | Fastsetjing av medlemskontingent   |
| Sak 11: | Godkjenning av idrettslaget sitt budsjett                                    |
| Sak 12: | Godkjenning av reiseregulativet  |
| Sak 13: | Godkjenning av idrettslagets organisasjonsplan                               |
| Sak 14: | Val  |

Inkludert er desse dokumenta:

- Hovudstyret og undergruppene sine årsmeldingar
- Rekneskap med revisors beretning
- Styret sitt forslag til budsjett
- Styret sitt forslag til organisasjonsplan
- Valkomiteen si innstilling og styret si innstilling til ny valkomité

Suldalsosen 10. mars 2021  
For styret i Suldal idrettslag  
Helen Moen Gjuvsland, leiar

**SAK 1: GODKJENNING AV DEI STEMMEBERETTIGA**

For å ha stemmerett må ein vere fylt 15 år, vore medlem av idrettslaget i minst ein månad og ha oppfylt medlemskrava. Det same gjeld der ein person skal oppnemnast som representant til årsmøte/ting i overordna organisasjonsledd. Ingen kan møte eller stemme med fullmakt. Lovlig innkalla årsmøte er vedtaksført dersom det møter eit antal medlemmer som minst tilsvarer antal styremedlemmer.

**Forslag til vedtak:** \_\_\_\_\_ Stemmeberettiga medlemmer er møtt og årsmøtet er vedtaksberettiga.

**SAK 2: GODKJENNING AV INNKALLING**

Styret kallar inn til årsmøte minst ein månad på førehand direkte til medlemene, eventuelt på annan forsvarleg måte, og/eller ved kunngjering i pressa, eventuelt på idrettslaget si internettleide.

**Forslag til vedtak:** Innkalling til årsmøtet er \_\_\_\_\_.

**SAK 3: GODKJENNING AV SAKLISTE**

Innkallinga viser til at saksdokumenta vert gjort tilgjengeleg på idrettslaget si nettside eller på annan forsvarleg måte. I så fall skal det gå fram at dokumenta vil bli gjort tilgjengelege seinast ei veke før årsmøtet. Fullstendig sakliste og andre nødvendige saksdokument med forslag til årsmøtet må vere gjort tilgjengeleg seinast ei veke før årsmøtet.

**Forslag til vedtak:** Saklista til årsmøtet er \_\_\_\_\_.

**SAK 4: GODKJENNING AV FORRETNINGSORDEN - MØTEREGLAR****FORSLAG TIL FORRETNINGSORDEN:**

1. Årsmøtet vert leia av valt dirigent.
2. Vald referent fører protokollen. Protokollen skal underskrivast av valde medlemmer seinast 2 veker etter årsmøtet.
3. Ingen medlemmer må gis rett til ordet meir enn 3 gonger i same sak. Med unntak av hovudinnlegg frå dei forslagsstillerar som har forslag på sakslista, blir taletida sett til: - 5 min. første gong. - 2 min. andre og tredje gong. Medlemmer som krev ordet til forretningsorden har 1 min. taletid. Ønskjer medlemmer å delta i debatten, blir dette vist ved handsopprekking slik at dirigent kan oppdatera talelista.
4. Dirigenten kan forkorta taletida, samt setja strek for påteikna talerar etter behov.
5. Alle vedtak og val avgjeras med alminneleg fleirtal, bortsett frå dei unntak NIFs lov og idrettslagets lovnorm fastset. Alle val der det føreligg fleire enn eitt forslag føregår skriftleg eller om det blir stilt krav om det. Blanke stemmesedlar tel ikkje, og stemmene reknast ikkje som avgitt. Øvrige avstemmingar skjer med handsopprekking.
6. Forslag og vedtak blir ført i protokollen med tal avgitte stemmer - for og imot, samt kven som har hatt ordet i saken.
7. Eventuelle forslag som kjem under forhandlingar, må leverast dirigenten skriftleg og vera signert med medlemmen sitt namn. Forslag kan berre fremjast i saker som står på saklista. Tidlegare forslag kan ikkje trekkjast tilbake, og nye forslag kan ikke fremjast, etter at strek er sett eller at saka er tatt opp til votering.

8. Begrepet «TIL FORRETNINGSORDEN» er for å tilkjennegi at ein er ueinig i dirigentens måte å leia møtet eller votinga på.

**Forslag til vedtak:** Forslag til forretningorden er \_\_\_\_\_.

**SAK 5: VAL AV DIRIGENT**

**Forslag til vedtak:** \_\_\_\_\_ vert valt til dirigent.

**SAK 6: VAL AV REFERENT**

**Forslag til vedtak:** \_\_\_\_\_ vert valt til referent.

**SAK 7: VAL AV TO MEDLEMMER TIL Å UNDERSKRIVA PROTOKOLLEN**

**Forslag til vedtak:** \_\_\_\_\_ og \_\_\_\_\_ vert valt til å underskriva protokoll.

**SAK 8: GODKJENNING AV IDRETTSLAGET OG UNDERGRUPPENE SINE  
ÅRSMELDINGAR**

**ÅRSMELDING FOR HOVUDSTYRET SULDAL IDRETTSLAG 2020**

---

**Styret si noverande samansetning er:**

Leiar:	Helen Moen Gjuvslund
Nestleiar:	Øyvind Gjuvslund
Kasserar:	Elisabeth Steine
Skrivar:	Kristine Bøe Berge
Styremedlem:	Vidar Jørgensen Nærheim
Varamedlem:	Hege Hiim Steine
Leiar trimgruppa:	Sveinung Steine
Leiar skigruppa:	Per Even Tjøstheim
Leiar økonomigruppa:	Venke Olene Vårvik
Leiar fotballgruppa:	Jon Bråteit
Leiar valnemnd:	Leif Bakka

**Medlemstal, styremøter og Covid-19**

Suldal idrettslag hadde ved utgangen av 2020 436 registrerte medlemmer, mot 410 meldlemmer året før.

Det er avholdt tre styremøter sidan årsmøtet i juni 2020. Grunna Covid-19 og omsyn til smittevern og restriksjonar i den samanheng har aktiviteten i laget måtte tilpassast og endrast i tråd med gjeldande anbefalingar til ei kvar tid. Anbefalingane har stadig endra seg gjennom året som har gått, og ein har periodevis kunna ha noko meir aktivitet på seinsommaren og i haust. Innandørs har ein måttat gjennomføre i samsvar med dei kohortane som har vore brukt i skulen.

Situasjonen har hardast råka medlemmene over 20 år. Fotballen for dei eldste har vore heilt nedstengt for både trening og kampar sidan mars 2020, og i langrenn får dei eldste framleis ikkje gå skirenn.

Skisesongen 2020/2021 er pr dato nett i gong når det gjeld renn for dei under 20 år. Dette er svært beklageleg. Suldal IL held seg orienterte om dei nasjonale- og lokale retningslinjene som til ei kvar tid gjeld, og legg til rette for fysisk aktivitet både innan- og utandørs i tråd med gjeldane retningslinjer og i dialog med kommuneoverlegen i Suldal kommune.

### **Medlemsregister og fakturering av medlemskontingent**

Ein har i løpet av året måtte overføre medlemsregistertet frå SpareBank1 SR-bank sitt system til Norges idrettsforbund sitt system i KlubbAdmin, som følgje av byte av bank og hovudsponsor. Ein har i år sendt ut fakturainformasjon for medlemskontingenoten via KlubbAdmin. Dette har delvis fungert, då ein ser at fleire ikkje har betalt før ein sendte melding, og/eller var rundt i postkassane med tradisjonell faktura på papir. Ein har også erfart at NIF tek gebyr pr transaksjon, noko som fører til mindre inntekter til SIL for kva betalte medlemskontingent. Styret vil vurdere faktureringsmetoden før utsending av medlemskontingent for 2021.

### **Måling av gymsalen på Vinjar skule**

I vår/sommar vart det lagt ned om lag 200 dugnadstimar i måling av gymsalen ved Vinjar skule for Suldal kommune. For dette arbeidet fekk laget betalt 85.000,- Ein kom i gong med arbeidet i godvårs perioden før juli, og fekk på den måten fullført arbeidet før haustkveldane vart altfor rå. Dugnadsytarane var arbeidsvillige og effektive, og bidrog på den måten til å fullføre arbeidet i tråd med avtalen som var inngått. Eit godt økonomisk bidrag til foreningskontoen.

### **Suldal kommune – Kulturprisen 2020**

I desember 2020 vart Suldal IL tildelt Kulturprisen 2020 som blir utdelt frå Suldal kommune. Grunna Covid-19 kunne ikkje prisen overrekkast som planlagt under formannskapsmiddagen i desember, men under årsmøtet til idrettslaget 2021 vil ordførar, Gerd Helen Bø overrekke prisen og kunstverket som gavé og synliggjering av prisen. Litografiет av Ellen Kallvig skal hengast opp i foajèen i gymsalen på Vinjar skule.

### **75-års jubileum og jubileumsbok**

I 2021 har Suldal IL 75-års jubileum. I den samanheng har laget søkt tilskot til å lage og utgi ei jubileumsbok. Terje Bråteit og Nils Bergjord utgjer tospannet som redaktørar for boka. Dei har fått god hjelp av Eli Torill Bergjord, Per Åge Laugaland, Arne Mehus og Jon Bråteit i arbeid med tekst og foto. Innhold til boka er fullført og komme til redigering. Markering av jubileet og kva tid boka kjem i trykken er per dato ikkje avklart, og ein ser seg tvungne til å avvente til ein ser om ein kan eksempelvis ha ein jubileumsfest eller liknande. Dette får vil styrast av smittesituasjonen og kva restriksjonar ein har til hausten i samband med Covid-19.

### **Allidrettens SFO**

Allidrettens SFO har fått tilført 10.000,- til drift av opplegget, og 3000,- til innkjøp av utstyr frå dedikerte folkehelse midlar frå Suldal kommune. Ein tek sikte på oppstart etter påske 2021, og vil i år lage opplegg for to grupper: 1. og 2. klasse, og 3. og 4. klasse i kvar sine grupper. Dette er også i tråd med dagens kohortar på skulen.

## Gåver

Sparebanken Vest har tilført 50.000,- i midlar til jubileumsbok og opparbeiding av sti mellom gymsalen og stadionområdet i Prestevika. Ein er her i startgropa for å sjå på korleis ein kan opparbeide best mulig sti for dei disponibele midlane.

Hjelmeland Sparebank overrekte gåvesjekk på 500.000,- til byggjing av snøproduksjonsanlegget. Det vart byggjestrart for snøproduksjonsanlegget i haust. Den første kunstige snøen vart produsert i lysløypa den 5. januar 2021.



Foto: Helen Moen Gjuvsland

## Sponsor- og dugnadsavtalar

Suldal IL vil takke våre tre hovudsponsorar, Statkraft energi, Sparebanken Vest og Haugaland Kraft, for samarbeidet og økonomisk støtte, samt våre lokale bidragsytarar som bidreg til at ein kan oppretthalde og leggje til rette for organisert fysisk aktivitet som er tufta på lokal dugnad.

Styret og undergruppene har gjennomført avtalen med flaggheising på Statkraft og Vinjar skule som normalt.

Reinhald av offentlege-toalett i reinseanlegget ved Mosvatnet har ikkje blitt utført av Suldal IL etter nedstenginga, då ein på frivillig basis ikkje har muligkeit til å utføre vasket i tråd med dagens retningslinjer, kor ein skal ha daglig frekvens på reinhaldet. Suldal IL ønskjer å gjenoppta reinhaldet når dette kan utførast i tråd med opprinnelig dugnadsliste, eit vask per veke. Avtalen med Suldal kommune skal reforhandlast i 2021.

## Fokusområder for styrearbeidet

Styret har starta arbeidet med systematisering av ulike avtalar og årshjul for styrearbeidet for å visualisere og systematisere ein del av styrearbeidet.

Styret har i år hatt ekstra fokus på barneidretten og tilrettelegging for at alle skal kunne delta i organisert fysisk aktivitet uavhengig av økonomi og ferdighet.

## Aktivitet i pandemi

På vegne av styret i Suldal IL vil eg til sist takke for at utøvarar, foreldre, frivillige og støtteapparat har vist seg å vera både lojale, uthaldande og vist tålmod i ei krevjande tid med smittevern og stort behov for evna til improvisasjon og omstilling. Tross periodevis manglante og annleis aktivitet, har ein takka

vera dykk, kunna gjennomføra både treningar og nokre arrangement! Dette bidreg positivt til sosialt samhald og god helse i ei tid som er annleis og kan kjennast krevjande.

Suldalsosen, 09.03.2021  
Helen Moen Gjuvsland, leiar

# Årsmelding 2020 fotballgruppa Suldal IL



Foto: Alf Aadnøy

## Styret i fotballgruppa 2020:

Ane Hoås Foldøy

Siri Fisketjøn Indrebø

Neri Fisketjøn

Svein Øystein Berge

Jon Bråtvæit, leiar

## Oversikt

2020 starta som dei fleste år, med organisering av treningar, trenarar, lag, terminlister og så bortetter. Dei aldersbestemte laga i Suldalsserien fekk akkurat vore med på Statkraftcup i Suldalshallen i mars, og seniorlaget fekk spelt ein treningskamp borte mot Buøy 2 før korona stengde ned all aktivitet. For vaksne var det stengt for aktivitet fram til midten av mai. Første a-lagstreninga igjen var etter to månadar pause. 13. mai hadde me første herretrening, men med koronarestriksjonar. Ingen kontakt, minst ein meter avstand. Denne formen for trening haldt me på med i fem veker fram til sommarferien. Etter dette har det ikkje vore aktivitet i seniorfotballen. Damelaget hadde treningar fram til stenginga i mars, etter det har det ikkje vore aktivitet.

Treningar for aldersbestemt blei opna 22. mai, litt seinare enn vaksne for ein ønska å ha høve til å ha kontakt og spela normal fotball. Etter denne opninga har dei aldersbestemte laga både i Suldalsserien og Suldalsgutane- og jentene halde oppe aktiviteten. Fram til sommarferien berre med trening, men frå skulestart august vart det også seriespel, halv sesong.

Me måtte omorganisera på treningstider for å ikkje ha for mange lag og spelarar på banen på likt. Rutiner for vask av hender og utstyr kom på plass, og då seriekampane kom i gong hadde me ein til to kampvertar som sørga for å notera namn og nummer på publikum, lagleiarar og spelarar til bruk i eventuell smittesporing, og for å passa på at folk haldt seg på avstand og innanfor sine kohortar. Om det var litt arbeid, så fungerte dette godt. Lagleiarar og trenarar fekk også ekstra ansvar for reinhald og listeføring. Takk til lagleiarar/trenarar, spelarar, publikum, gjestande lag og kampvertar!

Det har gjennom året vore stadige endringar i «Fotballens koronavettregler». Det har gjort at me heile tida har måtta halda oss oppdatert og informert medlemmene. Her må ein seia at Rogaland Fotballkrets har vore svært flinke til å informera og spørja etter i klubbane korleis det går, og kva dei kan hjelpe med. Teams-møter har vore flittig brukt, og for oss i Suldal IL gjer slike møte at me er mykje meir informert og delaktige enn me har vore tidlegare når me har måtta reisa langt for å delta på møter.

## **Involverte aktive og frivillige**

Sjølv om aktiviteten ikkje har vore så stor i 2020, så er det likevel mange som har bidratt. Også i år stor skrøyt til alle som har stilt som trenarar, lagleiarar og oppmenn på laga våre i Suldalsserien og i kretsserieane. Takk til dei som dømmer kampar, til dei som held banen, området, kiosk og ballbu ved like, og ikkje minst sponsorar. Me har ikkje hatt kiosk i år på grunn av koronarestriksjonar. Det har vore eit par dugnadar for å reinska opp skråninga mot samfunnshuset (miniknott) og for å rydda vekster ved gjerdet rundt banen (knott).

Totalt har me hatt omlag 115 aldersbestemte spelarar i Suldalsserie og kretsseriar, omlag 30 seniorspelarar som aldri kom skikkeleg i gong, 22 trenarar, 1 oppmann, 6 dommarar og 4 kampvertar i sving i fotballen i 2020. Totalt 30 frivillige har bidratt i fotballgruppa. Det har blitt spelt seriekampar i Suldalsserien og kretsserien i Prestavikjo.

Me ser det er noko nedgang på aktive spelarar. Dette kjem nok av få treningar for seinorlaga og svingninga i tilgang på spelarar på Suldalsgutane- og jentene.

### **6-åringar:**

1. klassingane starta opp eiga trening frå hausten. Målet var å få dei betre rusta til å delta i miniknott-fotballen når den tek til over nyttår. Desse treningane blei leia av Anette Goa Bråtveit. Alle spelarane som skulle vera med måtte stilla med ein voksen, slik at trenaren kunne konsentrera seg om fotball. Dette har vore ei positiv oppleving. Ni stk 1. klassingar deltok.

### **Klasse miniknott:**

Trenarar/lagleiarar: Lars Erik Dalva, Tom Gardsteig, Tore Vik og Hans Olav Brustveit

Det har vore med 25 spelarar frå 1. og 2. klasse i løpet av sesongen.

Trening frå etter nyttår.

Me stilte med 3 lag i Suldalsserien og Statkraftcup i Suldalshallen.

### **Klasse knott:**

Trenarar/lagleiarar: Dagfinn N. Havrevoll, Ronny M. Rugland og Geir Bjarte Hoftun.

Det har vore med 18 spelarar frå 3.-4. klasse i løpet av sesongen.

Trening frå etter nyttår.

Me stilte med 2 lag i Suldalsserien og Statkraftcup i Suldalshallen.

### **Klasse lilleputt:**

Trenarar/lagleiarar: Neri Fisketjøn, Kenneth Tveit, Michal Kral, Raymond Krogh og Kolbein Havrevoll.

Det har vore med 25 spelarar frå 5.-7. klasse i løpet av sesongen.

Trening frå etter nyttår.

Me stilte med 4 lag i Suldalsserien og Statkraftcup i Suldalshallen.

Dei fire laga gjorde det svært bra i serien. På grunn av kun haustsesong, la arrangør Erfjord IL om turneringa. Det var to innleiande puljer, før det vart arrangert finalespel. Det blei ein rein suldalsfinale som me gjorde litt ut av. Det blei finale med flomlys, musikk og speaker. Ein svært spennande finale måtte ha ekstraomgangar før det blei kåra ein vinnar.

#### **Klasse ungdomstrinn:**

Trenar/lagleiar: Torjus Steine

Det har vore med 11 spelalarar frå 8.-10. klasse i løpet av sesongen.

Dei har hatt trening ein gong i veka. Mange av spelarane er i tillegg med på treningar og kampar med Suldalsgutane- og jentene.

Me stilte med eitt lag i Suldalsserien og Statkraft-cup i Suldalshallen. Det blei ikkje topplassering i år.

#### **A-laget herrer:**

Trenarar: Jon Bråtveit og Arne Abrahamsen

Oppman: Tor Olav Berge

Som nemnd tidlegare blei det ikkje rare sesongen for seniorlaga. Troppen var forsterka frå den gode 2019-sesongen, og me hadde trua på nok ein sesong i toppen av 6. divisjon. Det kan nemnast at sidan Sauda IL ikkje lenger har lag i seniorklassen, så kom det tre spelalarar derifrå som hadde tenkt å vera med i sesongen.

Me fekk spelt ein treningskamp mot Buøy 2.

Det har vore uro i mange klubbar rundt fråfall når spelalarar ikkje får trent eller spelt vanleg fotball. For våre herrer sin del, så har me ikkje fått tilbakemelding på fråfall på grunn av korona.

Suldølar busett i Stavanger har framleis treningstilbod i ein gymsal der dei kan møtast sportsleg og sosialt.

#### **A-laget damer:**

Trenar: Ørjan Underbakke

Suldal IL melde på seniorlag i 2020 også, denne gong i sørfylket med 9'ar-lag. Treninga kom i gong i januar. Litt varierande oppmøte på trening, det er fleire av spelarane som har flytta vekk på skule og studier. Aktiviteten kom ikkje i gong igjen etter nedstenginga i mars. Det hadde nok blitt tøft å halda laget i gong gjennom sesongen. Det er ikkje meldt på lag for 2021. Me håpar mange aldersbestemte jenter kan få fart på seniorlaget igjen om eit par år.

#### **Suldalsgutane- og jentene:**

##### **G16 11'ar:**

Trenarar: Tor Arne Sigstad, Kristian Steine, Øyvind Marvik

Omlag 16 spelalarar i alderen 14-16 år frå heile kommunen, pluss Røldal har vore med på G16. Laget kom på 6. plass. Det vart jamne kampar der laget dessverre hadde fleire knepne tap enn sigrar. Knallkampar mot topplaget i pulja viste kva som bur i laget. Vann tre av åtte kampar. Trenar to gonger i veka.

**J15:**

Trenar: Torbjørn Indrebø

Det var litt usikkert kven som skulle leia laget som var vidareføring av J14 året før. Heldigvis kom Torbjørn Indrebø på banen og tok jentene med på ein kjempegod sesong som enda med ein sterk 2. plass, tre poeng bak vinnarlaget som forresten fekk bank i Prestavikjo.

Sidan Torbjørn jobbar skift, fekk han god hjelp av Simmen Bratland til å leia treningar og kampar. Jentene sjølv har også vist ansvar og starta treningane sjølv. Tilvekst gjennom sesongen viser at det vart gjort godt arbeid både på og utanfor banen. Me spelte med 9'ar-lag, men kunne nok hatt 11'ar-lag hadde me visst at det skulle vera 16 spelarar med.

**Spelar på kretssamling og kretslag**

Mari Indrebø har dei siste åra vore fast på sonesamlingar i regi av Rogaland Fotballkrets. I år i J15. Det siste året har ho spelt seg til fast deltaking på kretslaget til Rogaland som har spelt turneringar mot andre kretslag. Ho er også med på treningar med Team Haugaland Kraft i regi av Avaldsnes IL og på fotballskule i regi kretsen. Alle klubbar i Rogaland som satsar på kvindefotball har namnet til Mari på blokka.

**Dommar:**

Kretslaga fekk oppsett dommar frå kretsen.

Suldal IL måtte sjølv ordna dommar til aldersbestemt i Suldalserien.

Desse har dømt i 2020:

Svein Øystein Berge, Bård Gundersen, Elias Gundersen, Anna Krogh, Mari Indrebø, Simmen Bratland.

**Kampvertar**

På grunn av koronarestriksjonar, har me måttå hatt kampvertar for å halda oversikt over kven som har vore på området og passa på at det er avstand. Desse har vore Svein Øystein Berge, Siri Fisketjøn Indrebø, Simmen Bratland, Jon Bråteit.

**Trenarkurs**

Suldal IL har framleis samarbeid med FK Haugesund om trenarkurs. I år fekk me arrangert eit kurs for trenarar i heile Suldal kommune. FK Haugesund laga ein flott video frå samlinga som ein kan sjå på <https://www.fkh.no/nyheter/pa-trenerkurs-i-suldal> Me håpar me kjem i gong med meir kursing i framtida.

**Fotballbanen, kioskbygg og ballbu:**

Lars Herabakka held fram jobben med vedlikehald av bane.

Odd Åsgeir Lunde og Geir Bjarte Hoftun er baneansvarleg, dei har med anna sørga for at kunstgraset er limt og at måla og netta er heile, samt er med på ryddedugnadene.

Det er behov for ny trapp mellom banen og samfunnshuset, og dette har me søkt om støtte til, og fått, av Sparebanken Vest. Planleggingsarbeidet er i gong.

**FIKS:**

Dagfinn Nesbø Havrevoll er ansvarleg for at spelarane på kretsnivå er registrerte, samt ansvarleg for påmelding av lag på kretsnivå. Her gjer han ein stødig jobb.

**Elles som før:**

Det har vore færre ting som har skjedd fysisk i år, men det har vore ein del Teams-møter med fotballkretsen dette året, samt fotballgruppemøter og styremøter. Som i alle år er det vedlikehald kunstgrasbane + div. gjermål som dukkar opp undervegs i ein sesong.

Hatt ansvar for bruken av Vinjar gymsal i midtveke.

Siste runde med bestilling av treningsklede viser at Adidas går vekk frå Suldal IL sin gulfarge. Kontrakt med Adidas kan me derfor ikkje vidareføra. Ny leverandør må på plass.

Fornyingar av sponsoravtalar i Prestavikjo og for Suldalsgutane- og jentene har blitt gjennomført.

**Økonomi:**

Viser til rekneskapen for 2020.

Suldal Idrettslag, fotballgruppa

Jon Bråteit, leiar

1. mars 2021

# Årsmelding Skigruppa i Suldal IL sesongen 2020/21



Foto: Hans Widerøe

## Styret 2020/21:

**Leiar:** Per Even Tjøstheim

**Nestleiar:** Sverre Vik

**Skrivar:** Dagfinn Havrevoll

**Styremedlem:** Arne Mehus

**Styremedlem:** Oddny Lunde Bakka

**Trenarar:** Stig Morten Nerheim, Magnus Bakka, Aslak Moe, Jens Marcussen, Lars Lunde, Dagfinn Havrevoll og Helene Hammer

## Treningar:

Sesongen 2019/2020 blei avslutta 12. mars då Norge stengde ned på grunn av covid19-pandemien. Det blei difor våren 2020 kun gjennomført treningar for dei eldste, medan dei yngste starta opp att på hausten.

**1.-4. klasse** trena fast ute, tysdagar frå 1. september. Rulleski og barmarkstrening fram til 20. oktober då det på grunn av lettelsar i smitteverntiltak blei opna for å ha trening inne i gymsalen. 1.-2. klasse var inne medan 3. og 4. klasse hadde barmarkstrening ute fram til jul. Dagfinn, Helene, Jens og Aslak hadde ansvar. Skileik har vore hovudaktiviteten på treningane ved Mosvatnet i vinter og 25-30 ungar har vore med. Det blei oppstart på snø 5. januar og frå 12. januar kunne ein bruke lysløypa.

**5. klasse og oppover** trena fast tysdagar og torsdagar med om lag 15 ungar/ungdomar samt nokre foreldre. Barmarkstreningsa har vore på rulleski og joggesko samt noko inne i gymsal på Sand fram til snøen kom i slutten av desember. Skitreninga har stort sett føregått i lysløypa og noko i Breiastølsdalen. Stig Morten Nerheim, Magnus Bakka og Lars Lunde har hatt ansvaret.

## Renn

### 2020

Suldal IL arrangerte i turrennet Mosvatnet rundt, distanserennet Suldalsrennet og var medarrangør av Telenorkarusellen. Hamrabørennet var avlyst på grunn av nedstenginga.

Det var i år færre deltakarar ved Mosvatnet rundt med 68 deltakarar og av desse var det kun 15 seniorar. Løypa for løparar frå 13 år og eldre gjekk frå stadion og sørover til Hedlebrekk.

Suldalsrennet blei arrangert i Breiastølsdalen på grunn av lite snø i lysløypa og hadde omlag 100 startande.

Det blei arrangert tre skikarusellar kor Suldal IL arrangerte to av renna, og om lag 190 deltakarar var med dette året.

Suldal IL sine løparar var representerte ved ei rekke renn frå lokale sonerenn, til kretsrenn, KM, Ungdommens Holmenkollrenn, Oslo skifestival, Norgescup junior, og turrenn både innanlands og utanlands. Løparane til Suldal IL markerte seg godt på resultatlistene og hadde blant anna kretsmeister i jenter 13 år og ungdomsløparar som hevda seg høgt oppe i nasjonale renn. I samanheng med Ungdommens Holmenkollrenn skal den nemnast at Suldal IL var fjerde beste klubb i J13, bak storklubbane Heming, Lyn og Nittedal.

Etter nedstenginga 12. mars blei det verken arrangert skirenn eller rulleskirenn før utpå hausten.

### 2021

Sesongen har vore svært begrensa på grunn av smittevernsituasjonen. Det meste av skirenn har med nokre få unntak, blitt avlyst.,

Skikarusellen blir gjennomført med eigne tiltak kor dei som går på tid og trimmarar/aspirantar får kvar sine kveldar. Det er med om lag 110 deltakarar totalt.

Det er håp om å få arrangert Suldalsrennet, Mosvatnet rundt og Hamrabørennet på slutten av sesongen.

For å bøta på ein laber rennsesong har ein arrangert fleire klubbrenn for dei som deltek på treningane.

### Miljøtiltak:

Det har vore lite reiseverksem i sesongen 2020/21, men under sesongopninga på Hovden fekk me likevel til ein fellestur. Me ser at fellesturane kor me har vore opp til 40-50 reisande, er populære og viktige for miljøet og samhaldet i skigruppa.

### Sonesamlingar i sone Ryfylke

Suldal IL arrangerte saman med Hjelmeland ei sonesamlig på barmark på Gulling i september. God deltaking frå Suldal og Hjelmeland.

### Investeringar/vedlikehald

Det som blei gjort av vedlikehald i lysløypa var slått av gras i løypa med beitepussar og rydding rundt stadion.

Prosjektet med nye lys i lysløypa blei ferdigstilt hausten 2020 og dette året fekk idrettslaget òg tilslagn om tidlegare godkjende tippemidler til nye lys.

Det blei i 2020 starta opp arbeid med snøproduksjonsanlegg i lysløypa. Finanseieringa var på plass slik at ein kunne inngå avtale med leverandør og starte arbeidet med å grave ned røyr, straumkablar og montere hydrantar, straumskap, pumper og styresystem. Anleggsperioden blei hektisk frå slutten av oktober og fram til jul, og 5. januar 2021 kunne me trykke på knappen og den første snøen blei produsert i lysløypa. Kostnaden for trinn 1 av utbygginga

som går 800 meter frå stadion og sørover, er om lag 3,8 mill. Vidare utbygging er tenkt gjort ettersom finansiering er på plass.

Det blei sett opp vaktag til å drive dei to kanonene døgnkontinuerleg, og gjennom 6 døger blei det produsert ein halv meter snø i 1,2 km løype. Eit fast vaktag på fire-fem personar har delvis lønna ansvarsvakten medan det til ei kvar tid også er med ei dugnadsvakt.

Det er inngått driftsavtale med Hjelmeland IL som dei går inn med kr. 50.000,- per år i tre år med moglegheiter for forlenging. I tillegg bedreg fleire firma og hytteforeiningar med mindre årlege summar. Driftsbudsjettet er på om lag kr. 150.000,- som skal gå til dekking av straum, vedlikehald, leige av ATV og trakkemaskin samt løn til ansvarsvakten.

### **Dugnad**

I tillegg til å stille på dei vanlege dugnadane for idrettslaget, har skigruppa tilsynet med Gullinghuset etter eigen avtale. Bruken av Gullinghuset har under panemien vore begrensa og dei offentlege toaletta ved reinseanlegget har kommunen vaska sjølv. Det er også gjennomført mange timer dugnad i samanheng med skirenn og snøproduksjon.

### **Trenarar/styre**

Drifta i skigruppa er heilt avhengig av aktive og initiativrike trenarar og styremedlemer i skigruppa, og ikkje minst støttande foreldre. Både trenarar og styre har saman med foreldre gjort ein fantastisk jobb, oppgåver er fordele og mange har teke ansvar.

### **Utfordringar framover**

Den største utfordringa er for tida å halde på dei eldste ungdommane i gruppa og laga eit aktivt miljø for dei. Målet vårt er at så mange som mogleg skal få positive opplevingar ved aktivitetane i skigruppa, uansett nivå og alder. Det er òg ei utfordring at det har minka noko på tal deltakarar ved skirenn, då spesielt deltaking frå utanbygs deltakarar. Kva kan ein gjere for å oppretthalde og utvikle deltakinga.

Andre utfordringar i 2020 er å starte arbeid med snøproduksjonsanlegg.

Suldalsosen, 01.03.2021

Per Even Tjøstheim

## ÅRSMELDING 2020 – ØKOMOMIGRUPPA SULDAL IL



### Styret i økonomigruppa 2020

Leiar: Venke Olene Vaarvik

Styremedlem: Eldrid Bakka Lunde

Styremedlem: Inger Kristin Mehus

Året 2020 vert det dessverre ingen kioskutsalg på dei arrangementa som vart gjennomført av Suldal IL pga koronasituasjonen.

Me håpar på meir kioskarbeid i 2021.

Venke Olene Vaarvik, 20.02.2020

Leiar økonomigruppa

# Årsmelding 2020 -Trimgruppa Suldal IL




Foto: Helen Moen Grøvland

## Styret i trimgruppa

Leier: Sveinung Steine

Styremedlem: Siri Horvei

Styremedlem: Mina Lunde

Det har vore eit år prega av koronasituasjonen i landet. Dei aller fleste aktivitetar med felles trim har vore stengt. Det har vært litt aktivitet i yoga gruppa det siste halve året etter gymsalen vart åpna.

Det har blitt utført dugnad på rydding og merking av sti som går til Vinjarnuten. Det er gått opp ein ny trasè som er merka på det nye turkartet for året.

På skogstrimmen har det vore bra med besøk

	2018	2019	2020
Førlandsøyane	1799	2150	2605
Vassbotn	1427	1585	1551
Stråpanuten	1040	932	1154
Prestastølen	333	405	349
Gunntveitåsen	214	376	361
Vinjarnuten	200	227	190
Fisketjønsvardane	139	109	99
Midtstølen	38	55	55
<b>Total</b>	<b>5190</b>	<b>5839</b>	<b>6364</b>

## **Trekning av premiar Trimgruppa for 2020**

Stråpanuten	Kristian Hoås Nerheim
Førlandsøyane	Kjersti Risa
Gunntveitåsen	Anne Brit Brustveit Steine
Vassbotn	Ola Sandvik
Vinjarnuten	Mickael Sagsveen
Midtstølen	Martha Bråtveit
Fisketjønsvardane	Frank Sagsveen
Prestastølen	Helge Ronold

Underbakka 01.03.21

Sveinung Steine

## **SAK 9: GODKJENNING AV IDRETTSLAGETS SIN REKNESKAP I REVIDERT STAND**

**Forslag til vedtak:** Det framlagte rekneskapet for rekneskapsperioden 01.01.2020 – 31.12.2020 med uttale frå revisor er godkjent utan merknad. Resultatet for 2020 er overskot på NOK 307.881,98. Laget har ein eigenkapital på NOK 1.528.765,-

## **SAK 10: FASTSETJING AV MEDLEMSKONTINGENT**

Medlemskontingenoten i Suldal idrettslag for 2020 har vore:

- Born kr 250,-
- Vaksne kr 300,-
- Familie kr 600,-

Samanlikna med andre idrettslag av same storleik og aktivitetsnivå har Suldal idrettslag låg medlemskontingent, og styret ønskjer at medlemskontingenoten skal vera låg.

Årsrekneskapen for 2020 syner nedgang i inntekter gjennom medlemskontingenoten, men bakgrunnen for dette kan sporast til manglende aktivitet bland dei eldste i fotballgruppa. Ein har grunn til å tru at ein del av desse medlemmene vil halde fram som medlemmer når smittesituasjonen kjem under kontroll, og myndigheitene opnar for treningar og kampar att. Pr dato ser ein difor ingen grunn til å auke medlemskontingent.

Medlemskontingent for 2021 nyttar same satsane som 2020. Ungdomar inngår i familiemedlemskap til og med det året ein fyller 17.

## **SAK 11: GODKJENNING AV IDRETTSLAGET SITT BUDSJETT**

**Forslag til vedtak:** Budsjett for 2021 er godkjent utan kommentar.

## **SAK 12: GODKJENNING AV REISEREGULATIVET**

### **REGLAR FOR REISEGODTGJERING I SULDAL IDRETTSLAG**

1. Suldal Idrettslag yt godtgjersle til medlemmer når dei deltek på stemne utanfor kommunen. Godtgjering for bruk av skyssmiddel innan kommunen vert ikkje dekka med unntak av naudsynt rutebåt / ferje.
2. Reisa skal skje på billigaste måte. Suldal Idrettslag har ingen ting imot at det vert nytta dyrare reisemåte dersom den/dei reisande sjølv dekkjer ekstra utgiftene.
3. Reiserekning skal leverast gruppeleiari for attestering og utbetaling snarast etter at reisa er avslutta
4. Laget dekkjer reise og overnatting for utsendingar til ting og liknande.
5. Gruppeleiari peiker ut reiseleiari. Reiseleiari for born skal ikkje betala eigenandel

6. Det vert utbetalt ei kilometergodtgjersle tilsvarende 50% av Statens satsar for kilometergodtgjersle og tilleggssats for passasjer.
7. Innan kommunen betalar kvar passasjer kr. 20,- til bileigaren.
8. Suldal idrettslag yt godtgjersle mot framvising av kvittering for overnatting på inntil 750 kroner pr. døgn.
9. For reiser der forventa totalkostnad vert over 5.000 kroner skal reisa godkjennast i førekant – jfr. punkt 12.
10. For reiser utanfor kommunen skal det betalast eigenandel.
11. Gruppeleierane er ansvarlege for at alle som representerer Suldal Idrettslag har betalt medlemskontingent.
12. Etter særskild førehandssøknad kan Suldal Idrettslag yte godtgjersle utover dei satsane som er fastsett i reiseregulativet i forbindelse med kurs, konferansar, større idrettsarrangement og liknande. Søknad skal handsamast av det respektive gruppestyre eller hovudstyre.
13. Reiseregulativet skal godkjennast årleg av årsmøtet.

**Forslag til vedtak:** Årsmøtet godkjenner styrets forslag til uendra reiseregulativ.

**SAK 13: BEHANDLA IDRETTSLAGETS ORGANISASJONSPLAN**

# **ORGANISASJONSPLAN FOR SULDAL IL**



## Grunnlagsopplysningar for Suldal IL

Namn: Suldal Idrettslag

Skipa: 21.02.1946

Idrett: Fleiridrettslag

Postadresse: 4237 Suldalsosen

E-postadresse: [leiar@suldal-il.no](mailto:leiar@suldal-il.no)

Rekningar: E-post: [kasserar@suldal-il.no](mailto:kasserar@suldal-il.no)

Bankkonto: 3633 65 51255

Banksamband: Sparebanken Vest

Internettadresse: [www.suldal-il.no](http://www.suldal-il.no)

Organisasjonsnummer i Brønnøysundregisteret: 983958605

Anleggsadresse: Prestavikjo

Telefon: 930 93 110

Registrert tilknyting til Rogaland idrettskrets

Registrert tilknyting til Suldal idrettsråd

Registrert tilknyting til Rogaland fotballkrets, Agder og Rogaland skikrets

Klubbnummer i NIF sitt medlemsregister: KL11340003

Årsmøtemånad: Mars


### FØREMÅL

Suldal IL skal være ein open og demokratisk organisasjon der føremålet er å driva idrett organisert i Norges idrettsforbund og olympiske og paralympiske komité (NIF).

Arbeidet skal vera prega av friviljug innsats, demokrati, lojalitet og likeverd. Alle idrettslege aktivitetar skal byggja på grunnverdiar som idrettsglede, fellesskap, helse og ærlegdom.

Idrettslaget er sjølveigande og frittståande med kun personlege medlemmer.

### ORGANISASJON



Suldal IL har følgjande undergrupper:

- Fotball, Ski, Trim, Økonomi og prosjektgruppe for lysløypeprosjektet.

Lovnorma vedtatt av årsmøte er overordna norm for organisering og drift av laget. Suldal IL har eit hovudstyre med 5 medlemmer og 1 varamedlem. Styremedlemmer, leiar, nestleiar og varamedlem blir valt på årsmøte. Elles kan styret konstituera seg sjølv (skrivvar, kasserar m.m.), jmf lovnorma.

## **VAL**

Undergruppene sender forslag på nye kandidatar til si undergruppe til valkomiteen i god tid før årsmøte. Valkomiteen samlar inn og lagar forslag til val til årsmøte. Årsmøte skal vedta valet og alle verv inkludert medlemmer i undergruppene.

Valkomiteen skal veljast av årsmøte på fritt grunnlag etter innstilling frå styret (Lovnorm §15.10.f).

Undergruppene konstituerer seg sjølv (vel leiar m.m.).

## **STYREMØTA**

Leiar i dei 5 undergruppene møter på styremøta til Suldal IL. Styremøta har sak med orientering frå undergruppene, slik får styret orientering frå leiarane i undergruppene direkte.

Innkalling til styremøte skjer ved bruk av e-post (leiar kallar inn). Styrereferata blir sendt per e-post (skrivvar sender ut). Det blir halde 3-5 styremøte per år. I tillegg tar ein enkeltsaker via e-post/telefon utanom møta viss behov.

## **BUDSJETT – REKNESKAP**

Budsjett vedteke av årsmøtet er forpliktande for drifta av heile laget. Gruppene skal halda seg til sine godkjente budsjett.

Det skal leggast fram rekneskap for styret. I samband med dette skal gruppene vurdere/kommentera den økonomiske situasjonen sin.

Årsmøte i Suldal IL har vedtatt at kasserar kan disponera lagets bankkontoar og nettbank aleine. Leiar skal ha innsyn i lagets bankkontoar og nettbank.

**Forslag til vedtak:** Framlagde organisasjonsplan vert godkjend.

## SAK 14: VAL

Verv som er på val framgår av innstilling fra valnemd nedanfor. Rolla som leiar og nestleiar i hovudstyret er på val kvart år.

**VALG SULDAL IL - 2021 - forslag frå valgnemd**

Rolle	Namn	Valg 2021	Status val 2020 / 2021	Gjenvalg	Kommentar
<b>HOVUDSTYRET</b>					
Leiar	Helen Moen Gjuvland		Valgt i 2020 for 2 år	x	På valg som leiar for 1 år
Nestleiar	Øyvind Gjuvland		Valgt i 2020 for 2 år	x	På valg som nestleiar for 1 år
Skrivar	Kristine Bøe Berge	x	Valgt i 2021 for 2 år	x	
Kassserar	Elisabeth Steine		Valgt i 2020 for 2 år		
Styremedlem	Hege Hiim Steine	x	Valgt i 2021 for 2 år		
Varamedlem	Eskil Nerheim	x	Valgt i 2021 for 2 år		
<b>FOTBALL</b>					
Medlem	Svein Øystein Berge	x	Valgt i 2021 for 2 år	x	
Medlem	Neri Fisketjøn		Valgt i 2020 for 2 år		
Medlem	Siri Fisketjøn Indrebø		Valgt i 2020 for 2 år		
Medlem	Jon Bråteit		Valgt i 2020 for 2 år		
Medlem	Siri Handeland	x	Valgt i 2021 for 2 år		
<b>SKI</b>					
Medlem	Per Even Tjøstheim	x	Valgt i 2021 for 2 år	x	
Medlem	Kjersti Moe	x	Valgt i 2021 for 2 år		
Medlem	Dagfinn Havrevoll		Valgt i 2020 for 2 år		
Medlem	Marta Bakka Lunde	x	Valgt i 2021 for 2 år		
Medlem	Sverre Vik		Valgt i 2020 for 2 år		
Medlem	Else Kristin Krogh	x	Valgt i 2021 for 1 år *		Valgt i 2021 for 1 år
<b>TRIM</b>					
Medlem	Sveinung Steine		Valgt i 2020 for 2 år		
Medlem	Gro Fisketjøn	x	Valgt i 2021 for 2 år		
Medlem	Anne Brit Steine	x	Valgt i 2021 for 2 år		
<b>ØKONOMI</b>					
Medlem	Wenche Olene Vårvik		Valgt i 2020 for 2 år		
Medlem	Inger Kristin Mehus	x	Valgt i 2021 for 2 år	x	
Medlem	Eldrid Bakka Lunde		Valgt i 2020 for 2 år		
<b>KONTROLLUTVALG</b>					
Medlem	Margrete Moen	x	Valgt i 2021 for 2 år	x	
Medlem	Gunvor W. Hoftun		Valgt i 2020 for 2 år		
Varamedlem	Silje Helen Færøy		Valgt i 2020 for 2 år		
<b>VALGNEMD</b>					
Medlem	Leif Bakka		Valgt i 2020 for 2 år		
Medlem	Geir Bjarte Hoftun	x	Valgt i 2021 for 2 år	x	
Medlem	Heidi Elin Steine	x	Valgt i 2021 for 2 år	x	
Varamedlem	Renate Melby		Valgt i 2020 for 2 år		